



Inatsisartunut ilaasortaq Doris Jakobsen
Inatsisartut
/Maani

Inatsisartut suleriaasianni § 37 imm. 1, naapertorlugu apeqqummut nr. 2012-092, 3. april 2012 tiguneqarsimasumut qujavunga.

12. april 2012
Sagsnr. 2012-064399
Dok. Nr. 873662

Imatut apeqquteqarsimavutit:

Suliffeqarfinni Namminersorlutik Oqartussanit pigineqartuni qassini pisortanut iluanaarutininik kiisalu soraarnermi immikkut ajunngitsorsiassiisoqarnissaanik isumaqatigiissuteqartoqarpa? Qanoq aningaasat annertutigaat kiisalu suut tunngavigalugit tunniunneqartarpat?

Postboks 1015
3900 Nuuk
Tlf. (+299) 34 50 00
Fax (+299) 32 50 02
E-mail: govsec@nanoq.gl
www.nanoq.gl

Matumuuna apeqqutit akissuteqarfigissavara,

Aallaqqaasiullugu parteeqatinnut Malik Berthelsenimut § 37 naapertorlugu apeqqummut nr. 2011-30-mut akissutigisimasara malugeqqussavara, tamatumani nassuiaatigaara isumaqatigiissutaasimasut aalajangersimasut imarisaat Naalakkersuisunit ilisimaneqarneq ajormata, aktiaateqarluni ingerlatsivinni siulersuisut pisortanik isumaqatigiissusiortarneq isumagisarmassuk.

Naalakkersuisut ingerlatsiviit nalunaarfigisimavaat ingerlatsiviit pisortaannut akissarsiatigut atugassaritinneqartut ingerlatsiviup aningaasaqarnera anguniagaanullu tulluussarneqarsimanissaat naatsorsuutigineqartoq. Taakku saniatigut akissarsiat inuiaqatigiinni akissarsiatigut ineriartornermut naapertuutissasut ilutigalugulu pisortanik piginnaasaqarluartunik pilerisutsilersinnaaneq atorfeqartitsuaannarsinnaanerlu periarfissillugu. Tamanna Namminersorlutik Oqartussani aktiaateqarluni ingerlatseqatigiiffinni tamakkiisumik ilaannakuusumilluunniit pigineqartuni piginnittuunernut tunngasuni taakkunanilu ineriartorneq pillugit nassuiaammi aamma takuneqarsinnaavoq (UKA2011/113). Tassa taamaaliornermi Naalakkersuisuniit siulersuisunut tamanut erseqqissarneqarpoq pisortanut isumaqatigiissutini nutaani akissarsianut tunngasortai piviusunut naleqquttuusariaqartut.

Naalakkersuisut kissaatigaat aktiaateqarluni ingerlatsiviit Namminersorlutik Oqartussanit tamakkiisumik ilaannakuusumilluunniit pigineqartut sapinngisamik annerpaamik ammasuusariaqartut paasiuminartuusariaqarlutillu. Taamaattumik Namminersorlutik Oqartussani aktiaateqarluni ingerlatseqatigiiffinni tamakkiisumik ilaannakuusumilluunniit pigineqartuni piginnittuunernut tunngasuni taakkunanilu ineriartorneq pillugit nassuiaammi erseqqissarneqarpoq ingerlatsivinni ukiumoortumik nassuiaatini pisortani akissarsiatigut atukkat nassuiaatigineqartassasut. Tamanna ingerlatsivinnut allakkatigut aamma erseqqissaatigineqareerpoq.

Naalackersuisut aktiaateqarluni ingerlatsiviit Namminersorlutik Oqartussanit tamakkii-sumik ilaannakuusumilluunniit pigineqartut arlallit pisortaminnut bonusisiaqartitsisartut ilisimavaat, taakkulu ukiumoortumik nalunaarusiaqarneranni takuneqarsinnaapput, aamma ingerlatsiviit nittartagaanni kikkunnilluunniit takuneqarsinnaapput, taakkulu nalinginnaasumik 2012-imi ataatsimeersuareermermi akuersissutigineqareermermikkut 2011-mut ukiumoortumik nalunaarusiamiimmata.

Inussiarnersumik inuulluaqqusillunga


Kuupik Kleist